

Na osnovu člana 13. Statuta Fonda („Službene novine Federacije BiH”, broj: 33/06), a u vezi sa članom 10. stav 4. Pravilnika o postupku objavljivanja konkursa i odlučivanja o odabiru korisnika sredstava Fonda za zaštitu okoliša Federacije BiH („Službene novine Federacije BiH“ broj: 73/19), Upravni odbor Fonda za zaštitu okoliša Federacije BiH odlučujući o Odluci Upravnog odbora o odabiru korisnika sredstava Fonda za zaštitu okoliša na osnovu provedenog Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2019. godinu – JK 2019 (broj: UO-01-3-6-25-2/2019 od 30.10.2019. godine), na svojoj 3. sjednici održanoj dana 30.12.2020.godine d o n o s i:

## **O D L U K U**

### **I**

**Odluka Upravnog odbora broj: UO-01-3-6-25-2/2019 od 30.10.2019. godine stavlja se van snage prema slijedećim aplikantima, te se sa istima neće zaključiti ugovor i to:**

Korisnik	Naziv projekta	Odobrena sredstva
Sarajevostan d.o.o. Sarajevo	„Provođenje energetske audita za objekte kolektivnog stanovanja na adresama: Kemala Kapetanovića 30, Obala Kulina Bana 32, Obala Kulina Bana 35, Logavina 12 i Logavina 14“	10.000,00 KM

### **II**

Ova Odluka je konačna i stupa na snagu danom donošenja.

## **O b r a z l o ž e n j e**

Povodom Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2019. godinu – JK 2019 koji je objavljen u Službenim novinama Federacije BiH - Oglasni dio broj: 24/19 od 12.04.2019. godine, dnevnim listovima „Dnevni avaz“ i „Večernji list“, kao i na web stranici Fonda, Upravni odbor Fonda je nakon zakonski provedene procedure odabira korisnika donio Odluku broj: UO-01-3-6-25-2/2019 od 30.10.2019. godine, prema kojoj je pravo na korištenje sredstava Fonda na osnovu provedenog Javnog konkursa dobilo 160 aplikantata - korisnika.

Svim aplikantima – korisnicima koji su obuhvaćeni gore navedenom Odlukom Upravnog odbora, Fond je poslao Obavijest o dodjeli finansijskih sredstava za realizaciju odnosnih projekata pojedinih korisnika.

U citiranoj obavijesti, pozivajući se na odredbu člana 10. Pravilnika o postupku objavljivanja konkursa i odlučivanja o odabiru korisnika sredstava Fonda za zaštitu okoliša Federacije BiH („Službene novine Federacije BiH“, broj: 74/17 i 63/18), onim sudionicima javnog konkursa koji su odabrani od strane Upravnog odbora kao korisnici sredstava Fonda za JK 2019 je naložena dostava odnosno dokumentacije koju će dostaviti Fondu prije potpisivanja ugovora, a u najdaljem roku od 60 dana od dana prijema Obavijesti o dodjeli finansijskih sredstava za realizaciju odnosnih projekata pojedinih korisnika.

U obavještenju je nadalje navedeno da će se, ukoliko aplikant – korisnik sredstava ne dostavi svu traženu dokumentaciju u navedenom roku u odnosu na tog aplikanta – korisnika, Odluka Upravnog odbora o odabiru korisnika Fonda staviti van snage.

Korisnik Sarajevostan d.o.o. Sarajevo je dopisom broj: 02-344-2/20 od 10.11.2020. godine obavjestio Fond da odustaje od implementacije projekta. Kao razlog navodi nezainteresiranost etažnih vlasnika te nedostatak sredstava za sufinansiranje daljih aktivnosti.

Pravna pouka:

Ova Odluka je konačna, te se protiv nje ne može izjaviti žalba, ali se može pokrenuti Upravni spor pred Sudom u Sarajevu koji se pokreće tužbom koja se podnosi 30 dana od dana dostave Sudu.

**Predsjednik Upravnog odbora**  
**Dr.Mirjana Milićević**

---

Broj: UO-01-3-4-3-3/2020  
Sarajevo, 30.12.2020.godine